

KEDOTAMAN KIDJI AJOTINEAKOPIOTISOAN

KA NIKANITC KASHKA EADJI OGIMAKANIWANIG KOPEK AKI KIWIDAMAKOWA KIDINENDAKOSIWINIWA.

KIWI AJODINEAKOPIODISOM KONI KIWI ADJI OGIMAKEM NA?

Wi ajotineakopiodisoan, panima kiga masinasonan ashitc kiga kicponepian oowe apitc adji oKimakaniwag:

- kidji 18 tasopiponesian iji icpimig;
- kanata kidji ijtipenidakosian;
- nikotwasokisis inikig etanisian kopeg aki.

KI WISOWIN NA NAKWAN KAIJI ADJI OKIMAKANIWAG?

Kika kinda kakwete kapidjinijamagoan masinaigan kimigiwamigag epidji masinasoan.

ADI KETODAG AWIAG KIDJI ADOTC OWISON EADJI OKIMAKANIWAG?

Kata ija ojipiikewikiwamig kaiji atekin wisonan enda kakwetec kidji ojipiwakaniwitc koni kidji minopidjicate kiwison. Kidjinawemagan koni kiwidikemagan kegwan kawidji tajkemac kataki kakwete kin odji.

Panima nijin atwadawinag kiga ijiwinag emasinasonan iima enda kakwetean kidji masinasowan, kicpin eka aiawatc kawin kaka otapinikatesinon kiwison.

1 NITAM AAWÉ KITATWADIWIN

Nidam kiwison kata masinate ashitc anapitc kanitawikian.

Tapishkoc oowe ke ijinakwag: Kisikataso masinaigan, kitakosi atwadiwin, atwadiwin kanata eiji tipenidakosian (passeport ijinikate).

2 NIJIN AAWÉ KITATWADIWIN

Nijin dash panima kata nakwan kiwison enasinateg kimikiwam mikana kaiji dajikean.

Tapickoc oowe keijinakwag: ki pimpiso masinaigan kopek emasinateg, koni kitanimwepiwapiko masinaigan kekwan kivasakonenitamagan masinaigan.

ADI EJI TAKWAG OJIBIKEWIKIWAM EJI NANADA KOKI KIKENIDJIKATEKIN MASINAIGANAN?

Eiji takwag, anapitc ekijikag etasotipaiganeag ejétég ojibiikewikiwam enanada koki kikenidjicateg enakwag kapidjinijamakoweg kimikiwamiwakag masinaigan.

OOWE DASH KIAPATC KI ADJIKATE

Ickwa kipsisig kidjiki mikiweapan kiwison ewi kakwetean kidji adjikateg kiwison koni kidji minopiikateg ewi adji okimakanawag? Awinda kakweten kaiji takwag ojipiikewikiwam kawi iji adji okimakanawag. Kika widamako adi kechaian ashitc anapitc keki ijinda kikenidjicateg. Apitc dash iwe odji ijiseg aawe kawi ajotineakopiotisotc win eta kata kinda kakwete.

OOWE KEKON! Ekinda adoan kiwison kaiji adji okimakanawag kawin win kikaki adji okimakesi ii apitc ekijikag, anish inatèg apitc ekijikag kidjinda adji okimakean ka nikanitc eadji okimakanawag win okanawabatan ati iima ashitc anapitc kenda adji okimakean.

ADI IIMA ASHITC ANAPITC KENTA ADJI OGIMAKEEG?

Kika pidjinijamakom atwadiwin emikowasomikoek anapitc ashitc adi iima kejjinda ajotineakopiotisoeeg koni kidjinda adji ogimakeeg. Kika wabatanawa ashitc wisonan awenen kamindisotc kitci okimawitc koni kitci nikanitc kaiji tajikeeg pejotc.

KAWIN WIN IWE EKIJIKAG APITC EONINAKANIOWATC KITCI OKIMAWIATC KIKAKI ADJI OKIMAKESIM? MANE KEKI DODJIKATEKIPAN ANAPITC KEKINDA AJOTINEAKOBIOTISOAN!

- Apwamashi adji okimakanawag kikakinda ajotineakobiotisonan. Ntakikenitamog kapidjinichamakoeg masinaigan kimikiwamiwakag kidji kikenidamag ati iima anapitc ekijikag ashitc etasotipaiganeag ejétég ke kinda ajotineakobiotisoan kidji adji okimakean.

- Kikakinda ajotineakobiotisonan kanikanitc eaji okimakanawag odjipiikewikiwamig koni katakwakin ojibiikewikiwaman keki ijinda ajotineakobiotisoan ka inatèg ekijikag kakwedjimig aawe kamikidag e adji okimakanawag pejotc katajikean ati eijiateg kiwison kidjinda ajotineakobiotisoan.
- Kishpin wenibig pagan tajikean kaiji takwag kiwison mekwatc eadji okimakanawag kikaki ija kidjinda ajotineakobiotisoan aawe ka mikitag eadji okimakanawag apitc ijinakwag kidjinada adji okimakean. Kikaki ajotineakobiwa dash pejik kawinakanawitc kidji nikanitc pejotc kaiji tajikean.
- Kidji kikinwamatiwikipiwaman Université kaijinikatekin apitc adji okimakanawag kata iji takwanon kidji ki ajotineakobiotisonawag.

ADI KEDOTAMAN ENDA ADJI OKIMAKEAN?

- 1 nitam** Mikimowinag ojipiikewikiwamig kejjinda adji okimakean oka kanawapadanawa epidji takwag kiwison.
- 2 nijin** Ki mikiwe kiwison ashitc kitatotawin kiwapataiwe emasinasonan.
- 3 nisin** Kika minig emasinasonawitc kawi okimawiwatc owisoniwa.
- 4 niwin** Kika ija iima kejjinda okimakean koni kejjinda ajotineakobiotisoan kidji oninatc awenen ka onapamatc kidji ogimawitc panima dash kin nijike kidji onamatc kaiji wawiepiikateg kidji ajotineakobiaman panima kika apadjidon iwe ojipiikanatig keminikoan.
- 5 nanan** Ickwa okimakean koni ickwa ajotineakobiotisoan kika kokinda apinan wisiniwakanikag.
- 6 nikotwadjin** Kin tipinawe kikanda pidasikwewepinan mitikowajikag ka onamatc keokimawitc eki ajotineakobiaman pejik wison.

OOWE KEKON

wi ajotineakobiotisoan panima kika witisonan Ewabataiwean kimasinaiganan awenen kin midash onowe:

- kitakosi atwatawin kopek eiji tibenidakosian;
- ki pimpiso masinaigan kopek;
- passeport kaijinikateg masinaigan kanata eiji tipenidakosian;
- kitanishinabe atwatiwin;
- Force canadiennes atwatiwin.

KOTAG NA KIAPATC KIKAKI TOTAN KIDJI KI AJOTINEAKOBIOTISOAN?

ee takwan kidji ki totaman odji awiakog:

- awiakog wenipig eka katewatc kopek akini;
- awiakog eka ka kashkitoatc kidji ijawatc osa eakosiwatc ashitc kawidji tajkemikodjin kawidokakodjin;
- akosimikiwamig katajikewatc kaiji kanawenimakaniowatc eka ka kashkidoatc kidji mikimitisotc koni kidji anishinabewikiwamigag katajikewatc.

Ki kikenimawa na awiakog eiji pimatisiwatc?

Wibatc witamaokog panima wisonan wibatc kimikiwaniwag abwamaji wiaji okimakanawag.

KEKON NA KIWI KAKWETEM?

- Awinda kikenitan masinate odinateur kaijinikateg mi oowe enasinateg: www.elections.quebec.
- Animwepiwabig enasinateg kidjibi animweeg kawin kika kijikasin **1 888 ÉLECTION (1 888 353-2846)**.
- Ojibiamawijnag mi oowe inasinateg: info@electionsquebec.qc.ca.

WASAG NA KITA TAJIKEM?

Kimikidjicate eojidjicateg ikiwe wasag nadam katakwakin anishinabewakin.

Midash oowe kedodjicateg eki ojdjicateg:

- oka pidjinijanawa fax eapadjitoatc ekakwetewatc kidji minopidjicatekin wisonan mekwatc eijnakwag enanada koki kikedjicatekin;
- kiki ajotineakobiotisoan kidji aji okimakean abwamashi adji okimakanawag;
- kidji mikiwean kiwison ewi okimawian koni ewi nikanian fax kikaki apadjidone.

Bianimweg kishpin wi kikenitameg kitanishinabewakiwa epidji minosekwen kidji ki apadjitoatc iwe koni kidjinda kikenitameg iima web kaijinikateg mi oowe keijaeg (Modalités pour les régions éloignées).